

雪  
門  
詩  
草

雪門詩草卷六

蒿日集

善化許瑤光雪門甫著

壬戌年

長沙春日

春風昨夜入長沙。佳氣葱蘢接曉霞。好竹移栽都護宅。  
名花先放總戎家。頻年用武征人貴。四海論材楚國華。  
安得東皇恩澤普。江南江北盡桑麻。

湘江望遠吟

吳用楚人謂其善戰節制失宜卒遭淪陷長圍

不出生死難知君子于役爲以永懷作湘江望

遠吟

湘江楊柳嬌青春。參差雙燕啣紅巾。一朝雄羽天涯去。  
獨留孤雌問誰親。新雛太嬌小。喃喃令人嗔。黃鸝強相  
勸。畢竟非我鄰。湘江少婦捲珠箔。見燕因之思遠人。遠  
人遠別在何處。前年負劍錢江去。錢江中多比目魚。臨  
行囑寄魚中素。可憐去年一字無。紅樓望斷青青樹。今  
年人報失杭州。城中死者人無數。雲羅雖密有逃鴻。英  
雄往往蘆中渡。含愁不忍哭。淚向中腸注。火伴偶歸來。

殷○勤○探○綠○故○舊○時○合○歡○帳○今○日○蛛○絲○布○坐○對○菱○花○不○理○  
妝○樓○頭○日○日○數○飛○絮○

五月朔日赴安慶謁節相滌生師時廬州新復

四月

十五日官軍復廬州

不○食○家○鄉○粽○於○今○已○七○年○那○期○端○午○節○又○上○下○江○船○梅○  
雨○蒼○梧○重○炎○雲○鄂○渚○連○茲○行○休○憚○瘁○梓○里○相○公○賢○  
寄○語○江○南○燕○飛○飛○好○比○巢○徐○揚○歸○禹○甸○淝○水○入○周○郊○黃○  
犢○千○村○叱○青○貌○萬○竈○燒○投○鞭○流○可○斷○吳○獬○莫○咆○哮○  
十○載○軍○興○後○艱○難○濟○楚○材○星○懸○南○斗○正○漲○卷○洞○庭○開○共○

美○生○河○嶽○誰○知○擢○草○萊○東○征○彙○羣○策○吐○握○早○栽○培○  
自○絆○西○湖○路○春○風○背○絳○紗○材○甘○同○朽○木○鼎○竟○問○梅○花○舉○  
世○長○城○倚○微○生○廣○厦○遮○曲○江○謀○國○苦○多○恐○髻○先○華○

偶書

去○歲○湖○田○沒○民○間○米○價○昂○今○春○梅○雨○少○喜○告○麥○秋○黃○楚○  
穰○三○吳○食○民○儲○萬○卒○糧○東○南○兵○未○息○帝○莫○遣○年○荒○  
日○日○薰○風○利○舟○行○爽○客○襟○卻○愁○高○阜○地○已○望○沛○甘○霖○漲○  
落○沙○田○潤○雲○生○岳○色○深○紀○元○兼○紀○歲○默○祝○小○臣○心○

舟中誌感

紅榴白艾逼端陽。簫鼓龍舟正斷腸。忽漫東游緣底事。  
回思西浙更蒼茫。雲迷天目官軍阻。雨濕桐江虜塞長。  
澎湃怒濤含碧血。應隨暑漲打錢塘。

忽驚虎穴出忠骸。尚恨流丹是處埋。精衛月明盤海角。  
杜鵑春去哭天涯。故人幾輩生還少。戍婦長年遠夢乖。

楊柳枝枯松鬣墜。六橋三竺總烟霾。杭城十一月廿八

督學張錫庚處州鎮文瑞死之其遺蛻由藩司林福  
祥嘉道劉齊昂護出於正月二十六日抵上海署藩  
司麟趾臬司甯會綸糧道遲福候補道胡元博彭斯  
舉朱琦候補府豫立甘應槐仁和縣知縣吳保豐俱  
殉難十二月初二日滿城陷闔城自焚將軍瑞昌  
死之先是都統傑純巷戰死其餘文武死者甚多

書目身

越國山河曉夢中百年蕭瑟伯才空會稽竹箭憑誰綠

鏡水荷花祇自紅那有金容求少伯更無玉戚戮防風

青田墓木陽明宅處處鴝鵒叫晚叢軍興以來浙西土匪竄起如蓮蓬黨

水龍黨火銃黨金錢會動輒數萬人又有千人會百步黨或先時滋事或臨時迎賊俱可痛恨

痛絕吳興困久圍經冬歷夏赤拳揮援軍欲赴宣城隔

協餉難通漚米歸血戰三年真報國省垣重陷總危機

故人楊許都官此悵望蒼雲淚滿衣湖紳趙景賢號竹生竹泉中丞之弟

嗣也毀家紓難保湖者歷三年矣杭城陷後十二月十九日遂被圍其叔炳麟由滬濟之以米不能達竹

生以書帛乞援於節相節相請鮑軍門派韋志俊唐

仁廉由甯國赴援不能達烏程令甯鄉許承岳號柱

山南潯別駕善化楊然敬號  
嶽星皆余舊友後均殉難死

昨得舟山海外書。孤城尚護萬家居。并傳夷艇乘潮進。  
已報甯城復。夏初旭日自然消。蜃氣迴濤能否靖。鯨魚  
寄言招寶山前月。彈矢休教落玉蜍。

間四月十二日夷兵合舟山兵收復

甯波

撫軍萬騎鎮衢州。廣信雄師又上游。此日豫章屏障固。  
幾時羅刹瘴烟收。仙霞有嶺難窺閩。雁宕無峰不繞甌。  
深賴飽騰規進取。五羊權賦相公籌。

浙撫左駐兵江常江右撫沈駐兵廣

信閩浙制軍駐兵建甯朝廷派兩廣制軍耆赴閩設防節相請內派大臣赴粵抽釐以充浙餉



茸城雉堞逼淞濱。大舸戕編駕火輪。已許絲茶通互市。  
何妨杖鉞誓髮人。皇恩浩渺無中外。鞮寄招徠早順  
臣。籌餉籌兵當此地。權衡難易幾逡巡。言事者請由上  
蘇杭奉旨交節相籌辦節相以上海之勢論籌餉  
則爲要津論用兵則爲絕地不如交好英法照會協  
守

新政年來起老成。且兼不次擢羣英。繡裳夾輔風雷弭。  
璇掖雙懸日月明。淮海已全歸禹甸。句吳畢竟隸周京。  
攀龍附鳳諸君進。愧我蓬飄尚遠征。祁春浦張石帆徐  
用沈樸菴李少泉暨季高三中丞皆不次用劉  
霞裳以同知授甘肅劉松巖以知縣授蘇臬

湖中聞鐘

隔波何處鐘。敲破湖烟碧。鏗然綠雲開。驚動英皇魄。皎皎明月光。白墮蛟龍宅。萬籟已闌寂。孤聲懸大澤。客心何飄搖。恍聽鈞天夕。

火輪船行

以火沸水以水激輪仍以輪行水由西而南而東而北由海而江而漢坎險旣象輪離火又象甲冑有機心必有機事蒙莊早知之矣作火輪船行

青烟逐雲雲退飛。橋竿劈風風濤開。朝發扶桑夕若木。  
蛟龍徙宅逃驚雷。神工鬼斧仙人棹。火輪船名以車行水憑。  
誰造。昔年香港廈門游。後來碣石天津到。昨歲漢陽開。  
馬頭煌煌和約懸。明詔綠眼深沈紺髮拳。晴川閣下。  
泊殘照。若非涇渭巫峽高。秦雲蜀樹難藏奧。南溟衝斷。  
紅珊瑚。東洋破碎明月珠。倒海排山犯蓬島。琳宮貝闕。  
烟模糊。奇淫應干造物忌。毒膏浸入黎元膚。何由鏤輪。  
使之斷。江湖安瀾。聖謨。

登黃鶴樓作

十年此地三烽烟。仙人乘雲何處邊。於今江漢平風浪。  
仙人仍住高樓上。五月梅花鐵笛開。且傍仙人樓上望。  
閬苑蓬山會有期。蒼茫世界白雲移。喬松何事戀塵劫。  
可憐鶴翅黃襪襪。凌空請問蒼梧舉。芝草瓊花遍九疑。

過黃州弔鄂撫胡文忠公

去年桃花紅。黃州賊騎充。秋來桂花紫。賊去黃人喜。豈  
獨黃人喜。月明江漢歌聲起。那堪仙鶴唳高樓。捷書報  
入中丞死。牙旂重建豈無人。至今標下獨沾巾。

舟夜卽事

江月如銀燭。江雲似碧紗。天風吹盪漾。永夜忽光華。照見前溪路。歸來小艇桡。鱗魚新網得。沽酒作生涯。

泊蘄水南溪驛聞戰船鼓聲

扁舟晚泊蘄水清。娟娟水月明。更聞兩三古樹倚斷岸。條然似有涼風生。涼風掠水鼓聲送。淵淵驚破蛟龍夢。知是長江舳板船。老兵閒作三壘弄。此時長江自在流。鼓聲猶似出征秋。十年教戰疾徐熟。大帥經營應白頭。憶我西湖曾作客。笙歌迷盡征人魄。欲持此鼓障胥濤。可惜錢塘江已坼。

晚泊

難耐江干暑。貪涼望日斜。維舟青草岸。恰有綠楊遮。暝色開新月。江波浴晚霞。歌聲何處起。茅屋住漁家。

黃石澗舟中作

日午舟停黃石澗。無風客怪篙師慢。舟中老媪識天心。指點當頭日光澹。強至中流浪果高。茫茫一白迷前岸。世間萬事貴先幾。搔首臨江發長歎。

過蘄州江中

江到蘄州束。青山出岸來。盤渦翻日月。絕壁鎖風雷。獨

雪門詩草

卷六

蒿目集

樹吳天直。孤鷹楚塞開。好乘長浪去。倚劍鳳皇臺。

涼夜

江濤疑驟雨。起視月當天。萬里碧雲淨。孤舟涼夜懸。疏  
星垂石壁。遠火出村廛。幽思無人覺。草蟲同不眠。

溪行

心共清溪遠。行行溪水邊。鷺飛疑白絮。鼃小似青錢。岸  
圃收桃日。沙田曬麥天。山童來濯足。暝色又蒼然。

卽目

白雲片片飛。隨風作波勢。雷聲東北起。滄江生雨意。羣

山屏障沈蒼茫了無際一嶺透晴光晶瑩吐活翠蕩漾  
過江來落我吟詩袂何當翦生綃收入丹青事

江中玩月

東山斜月射江波波面微風生輕渦有似銀花千萬樹  
倒傾地底奔珠河平看側睇雙目炫搖黃閃碧難捉摩  
須臾明月亭亭正碧天如水水光定蟾蜍不蝕蛟龍潛  
上下交懸兩明鏡清虛一氣透靈光幻影空花悟禪性  
我心塵芥洗何年圓機欲與嫦娥證嫦娥迢迢隔遠天  
金丹無術學飛仙且洗冰盤斟美酒醉煞江天邀月眠



寄何昺潛

昺潛道州文安公之叔子其長子余之壻也始  
號子敬改號昺潛意在以潛自昺也初仕滇繼  
仕蘇旋爲浙省糧使庚申秋棄官歸楚卜居善  
化之小橋在榔梨陶真人祠之東北種花課子  
脩然塵外勸余同隱不獲相從然長途跋涉回  
首雲山此心不覺飄然欲往也

濂溪溪水清○生花傍君子○君子握珍瑜○光照岩廊紫○欲  
藏不遽藏○懷寶遊吳市○長洲倏麋鹿○西湖尚羅綺○重價

許○連○城○躬○桓○在○彈○指○君○子○不○忍○售○曰○余○將○隱○矣○抱○璞○歸○  
荆○山○一○棹○洞○庭○水○  
洞○庭○青○茫○茫○乾○坤○洗○高○潔○東○風○茁○紅○蘭○處○處○飄○香○雪○晉○  
代○陶○真○人○茆○屋○湘○西○結○君○歸○買○碧○山○門○對○真○人○宅○溪○泉○  
繞○門○流○小○橋○隔○塵○轍○把○酒○喚○白○雲○讀○書○問○明○月○招○我○欲○  
我○從○兩○心○共○怡○悅○惜○哉○塵○網○纏○徂○暑○與○君○別○  
別○君○仍○憶○君○悠○悠○青○天○雲○閒○雲○寄○高○嶺○驚○雲○江○之○濱○吳○  
塞○何○遼○濶○楚○山○何○糾○紛○潯○陽○一○回○首○仰○見○白○鶴○羣○鶴○鳴○  
有○雛○和○而○余○悵○袂○分○寸○心○起○結○轡○大○地○生○濃○霧○此○意○向○

誰語作詩通殷勤

殷勤贈別言。耿耿銘肺腑。渤海足波瀾。吳越肆豺虎。白日當天中。殄戾驟難愈。鷹隼脫羈鞬。毋再投筮圉。人生貴適志。藜藿勝雕俎。當今柱石臣。舊時同學侶。見時若問訊。爲道老無補。

過田家鎮懷塔忠武暨羅忠烈李忠愍諸公。西不見長江。來東不見長江。去四面雄山。鎖怒濤。舟人指點鑒兵處。爲說咸豐甲寅冬。元戎追賊來吳東。舟師楊與彭。陸師李羅及塔公。金陵么魔膽喪落。千尋鐵鎖

橫波中奪取。餘燿數萬隻。浮橋壓倒蛟龍宮。是時蘄州  
尚未下。北岸賊與南岸通。登高料敵。敵勢猛。江山半壁  
烽火紅。舟師欲進。遽難進。兩岸砲聲如飛鏰。皇威震  
蕩。河嶽助深謀。定算來元戎。先日破水寨。次日由陸攻。  
犀甲用命。不畏死。巨斧斫斷橫江龍。塔公先自北岸擊。  
李羅南進如飄風。賊知橋斷失歸路。頗以死拒。櫻霜鋒。  
我師氣猛撼山岳。十決十盪無停蹤。鼓聲震天寶刀赤。  
千俘萬馘羅沙蟲。其餘挺險投絕壁。片片落葉洪濤衝。  
至今岩上紅心草。烈日照作戰血濃。南戰旣捷北亦勝。

紅旂報入天顏融。後來鄂渚亦重懷。江塹究竟爲我雄。  
我思塔公真勇義。兩臂自刺精忠字。一從特遇相國知。  
屢戰身先酬素志。四月收潭州。湘民得安寐。七月收巴  
陵。波靜君山翠。九月收武昌。漢江草木威名記。惜哉星  
落九江潮。狂寇未翦盡。臣瘁公馬夙號烏龍駒。公死不  
作他人騎。卓立天骨知主恩。熒熒隅日常垂淚。可憐公  
之報國實以報知己。一點丹心感騏驎。我懷公績恨公  
往更歎知公良不易。同時李羅楚國材。讀書共翹青雲  
器。一死三河一鄂城。楚天萬里愁雲蔽。當今世亂尚未

平得公數輩。治軍復何慮。臨風搔首念古今。英材亟與  
長城寄。

過九江

天外橫蒼翠。廬山遠見迎。薰風吹客子。五月九江城。故  
壘漸生草。三吳尚用兵。潯陽萬里浪。隨我亦東征。

名城收百戰。

咸豐八年四月李忠愍克九江屠之十月  
十二敗於廬江之三河死焉先是四年塔

忠烈死此

容易五經春報

國英雄事。舟師記憶真。痛殲寒

賊膽。祭告慰忠臣。可惜三河役。重傷柱石人。

湖口縣

浩浩彭蠡湖。高高湖口縣。樓閣飛雕甍。青瞰廬山面。香  
爐白雲多半落。譙樓畔遙見石鐘山。昭忠有祠觀英彥。  
貫濟世世亦需英彥。一朝炳丹青。正氣河山貫。我來懷  
三忠。蒹葭滿江岸。徙倚不忍去。賴壁斜陽斷。滄江吼怒  
濤。似語當年戰。

小孤山

彭郎奪得小孤還。霧鬢雲鬟縹緲間。祇恐西湖梅鶴怨。  
年來處士失孤山。

彭雪琴侍郎刻詩孤山有彭郎奪得小姑還之句一時傳爲佳話

烏雲

烏雲不作雨。底事漫遙空。蔽日濃翻墨。撓霞偶送紅。勢  
原連瘴海。掃總望雄風。玉宇仍還我。相期明月中。

憚暑

欲招東山雲。爲我張大幔。欲呼西山風。爲我搖大扇。頃  
刻洗炎歊。清涼滿赤縣。一身固瀟灑。萬彙亦安晏。蒼天  
那可期。獨樂且謀戀。湘江雲麓中。一峽青楓遍。潏潏白  
鶴泉。晴天洒珠霰。赤日照不到。長年秋一片。去去結茆  
屋。悠悠謝時彥。

喜雨



浮雲載雨來。隨風入江船。潯陽一片白。不見廬山肩。震  
雷訇然下。乾坤疑簸顛。轟轟忽飛去。仍繞碧落邊。禾黍  
固生遂。肌膚亦脩然。炎曦卷何處。恍惚清秋天。來日那  
得計。且喜慰目前。

彭澤縣

堞繞蘋岩似碧環。碧環缺處對孤山。停舟欲訪陶彭澤。  
五月黃花照客顏。

暮泊彭澤遇衡陽彭望南將赴雪琴侍郎營贈此  
我將萬里投知己。君亦東遊訪竹林。細雨相逢江畔路。

扁舟同繫故園心。潯陽波濤孤山鎮。滄海雲多。落日深  
得遇彭郎當此地。不妨烟水結清音。

長歌行寄葉青甫觀察

前年官軍復杭州。我時作吏錢塘遊。與君相見便心許。  
澄潭萬頃明月投。去年我飲浣溪水。君亦携囊訪西子。  
炎天贈我海甯瓜。清寒一洗胸中滓。那知管鑰浙東開。  
金華古洞生黃埃。談兵拍碎碧玉玦。憤時揮落珊瑚杯。  
兩人悲憤終無益。苕蘿山照烽烟赤。君遂携家避甬東。  
我幾一死膏鋒鏑。流離幸脫亂兵間。渡海生逢滬濱灣。

戰○血○淋○漓○透○重○續○故○人○憐○我○淚○潺○潺○悲○來○恨○事○與○胸○臆○  
吳○淞○楓○落○寒○潮○溢○手○斫○銀○鱸○不○忍○烹○坐○看○紅○樹○成○愁○色○  
僑○寓○洋○樓○聽○漏○鳴○西○風○夜○吼○燈○昏○黑○可○憐○申○浦○美○人○多○  
都○是○姑○蘇○舊○翠○娥○往○日○青○樓○成○赤○土○偷○來○海○畔○賣○笙○歌○  
感○君○邀○我○聽○歌○去○繡○房○銀○燭○飄○香○霧○一○曲○琵琶○雁○落○沙○  
風○塵○似○說○都○非○故○窈○窕○紅○顏○奔○走○難○轉○憐○我○輩○同○飄○絮○  
君○家○五○湖○已○無○家○我○家○長○沙○隔○歸○路○覓○得○西○洋○貫○月○槎○  
雙○輪○直○截○白○黿○渡○萬○里○江○湖○數○日○還○梅○花○正○發○瀟○湘○樹○  
登○高○回○首○五○茸○城○碧○雲○凍○日○知○何○處○邊○書○日○報○賊○兵○多○

寶山南。滙如潮。注節轅。整暇講收藏。書畫琳琅。當軍務。  
危幕雙雙燕子巢。而君寓此爲君怖。此時欲寄尺素通。  
滄海扶桑霧隱紅。果然黃鶴樓前月。照見兩人心事同。  
武昌魚好君來餌。漢水波長我又東。舊日杭州襟上酒。  
如君亂後幾人逢。夜深重飲葡萄綠。相期握手對秋風。  
秋風來亦易。明月勾離思。潯陽江上發浩歌。離合悲歡  
憑此寄。

誌慨

疾鳥攫黃雀。貪饕固其情。雄雞鬪同類。毋乃空競爭。小

人戒志利。君子戒喜名。喜名立岩岸。平地生崢嶸。黨禍自茲起。波浪宇宙傾。識淺多客氣。慮遠無驕矜。所以交讓木棟梁。材始成。

東園梧桐枝。初栽不盈把。亭亭綠玉腕。能保風雨下。十載費滋培。濃陰蓋原野。頗恃枝葉長。參天勢揮洒。那知傾撓機。狂飈不相假。青雲變泥塗。壓及萬間厦。淺薄根固然。張大禍。應惹居高能。自裁古今是誰者。

駿馬快欲舞。那識轅駒黃。圈豕飽芻豢。那知犁犢忙。宴坐發諷議。徒使行役傷。金閨年少子。搖筆生文章。哆口

陳道義瞠目視羲皇時勢日以逼議論日以張風塵鞅  
掌輩苦心誰共嘗  
孤木不成厦孤花不成春顏波萬里流九泥塞江濱坐  
見崩潰至滔滔去無垠傷哉豪杰士一身空苦辛白日  
照其膽清風洗其神願步自高遠轉令世俗嗔不惜多  
怒嗔所惜胥沈淪厝火方欲發無爲眠積薪

傷安慶行

江淮腹地交戰之區人之流離地使然也繪圖  
呈覽不如長歌當哭作傷安慶行

傷哉安慶自被兵十年田畝蓬蒿平今年相公借我種  
賜我黃犢勸我耕青青者苗不可食秋雖有穫春無烹  
爲我運穀減我糶千艘萬舸來楚荆膏澤降矣智井竭  
室中無錢淚縱橫歸來喚幼女欲語心酸楚飛絮化浮  
萍生機辭故土背人負女馬頭邊指點船中是而主前  
船後船去不休離波萬里長江苦

到安慶城作

時陝西告急多將軍分軍往勦

大江南北下一路瘡痍形薰風吹城郭萬里蓬蒿青前  
壘接後壘夜夜飛冤螢新火間舊火村村拾殘釘縣官

飢○破○屋○故○家○鬻○遺○經○我○來○安○慶○省○正○值○江○北○甯○賢○相○念○  
民○隱○賑○卹○傾○罄○瓶○淮○揚○枯○草○木○沛○然○霖○雨○零○民○蘇○士○亦○  
奮○遂○薄○金○陵○垌○可○惜○陝○事○急○分○軍○顧○西○溟○桓○桓○多○將○軍○  
六○纛○不○得○停○兵○氣○轉○西○土○惱○煞○長○庚○星○蒼○天○爾○何○意○一○  
醉○胡○不○醒○試○登○白○嶽○頂○遙○祝○華○嶽○靈○休○放○妖○霧○出○凋○落○  
蓮○花○馨○鱗○鱗○清○渭○水○那○堪○血○戰○腥○南○京○烟○未○散○西○京○雲○  
又○冥○惆○悵○古○帝○域○警○報○難○卒○聽○

買硯

紫○綠○兩○端○硯○摩○挲○幾○歎○嗟○端○方○誠○上○品○拋○落○出○誰○家○待○



襲沉楠匣驚看古墨華相依過白髮詩筆足生涯

買畫

昔購杭州畫重經劫火紅携錢安慶買好古幾人同花  
鳥長春裏山川一軸中凝看神共遠遙憶米顛風

買爐

徽州遭破碎流落古爐多獅踞銅垂乳龍盤水湧波土  
華存舊暈火候費新摩慚愧天難告憑君當切磋

買書

寢區方用武我輩尚求書不改迂儒習深憐古卷疏幾

家思易米。長路欲同車。惱殺文闌閣。於今虎豹居。

贈懷甯令曹西園

名光漢長沙孝廉

書生恥作風塵吏。奔馳苦受權豪氣。搜索青錢薄俸空。  
昨朝又失長官意。十年宦味我深嘗。此日回頭蹙眉際。  
今君作吏安慶城。何事紆餘嘯傲生。繞郛初迴兵燹色。  
公庭卻少叫囂聲。蓬蒿叢種甘棠樹。強項誰容廉吏情。  
君言相公求治急。痛洗官場千古習。手挽狂瀾報聖  
朝。餘散節儉刪供給。材官嗔怒青衣愁。我輩能廉深感  
泣。不有高梧寄此身。露華那許元蟬吸。瀟洒清風六合

間江干白鶴忍饑還梅花樹下塵容掃桃李庭前日月  
閒劫後尚容仙吏樂清時轉憶我緣慳他年一部循良  
傳好勵清名照宇寰

六月遇長沙李若蘭於安慶別後卻寄

好花薦烈日亂世宦愁余失路同爲客無錢尚買書相  
憐生白髮小飲餞青魚回首瀟湘水薰風負玉渠  
炎天飛鳥絕我更向衢州赤日匡廬樹紅霞彭蠡舟山  
川歸戰績烽火入詩愁倘奏江南捷煩君報遠郵

江暮

遠樹上斜陽。扁舟浸晚涼。殘雲歸海碧。暑漲入江黃。烟潤蘆洲媚。風溫稻隴香。蒼然昏靄變。浴水又蟾光。

舟夜雷雨

疾雷聲落枕。猛雨力穿窗。旅夢醒今夜。孤舟在大江。乾坤同震蕩。波浪助衝撞。爲報垂龍道。澹臺仗劍雙。

大姑潭阻風暮感

南風滯我渡湖舟。湖上孤山對暝愁。落日漸深霞氣澹。長江不斷月華流。匡廬雲重遮鄉夢。浙水潮多悔宦遊。惆悵炎天行役過。好留詩筆寫清秋。

望匡廬瀑布

流雲吐山巔。閒雲抱山腳。泉光穿雲飛。閃爍白龍躍。夕陽開孱顏。丹翠更交錯。雨撲青天來。虹向明湖落。悠然五老前。心逐還山鶴。

遇浙舊友潘菊屏由江右運餉赴皖

斜日彭湖遇舊遊。教人回首悵杭州。三年浙水君休問。一葉滄江我尚浮。吳越轉旋瞻上相。豫章糧運出東流。但令當事同仇切。薄宦蓬飄那復愁。

匡廬

連日潯江畫舫停。匡廬山對酒人醒。蒸雲上接垂雲白。  
道嶺高橫近嶺青。祇見虹流仍瀑布。更誰虎嘯過溪亭。  
我來玉杖辭黃鶴。飽看吳天九疊屏。

夜舟

三更解纜趁風行。稍慰連朝阻滯情。殘月未生湖氣白。  
澹雲涼露過江城。

六月

征途阻暑不須嗟。六月江干景物華。清露引蟬吟碧樹。  
薰風送鷺入荷花。山過微雨生新翠。人在孤舟看晚霞。

最好烟波濯吾足一篷明月伴詩家

從軍苦熱行

一層布幙難遮暑○烈日欺人雲散午○健兒傷渴顙頰紅○  
日夜呻吟作譟語○我身孱弱苦難禁○席地且發清風吟○  
千里黃蒿蔓白骨○那有瓜李清脾心○自古北漠從軍嘗○  
苦寒○那知南國從軍行○路難君不見○今歲江南大營多○  
疫死○纍纍小冢葬沙灘○

營中挽歌

哀陣亡將士

昨夜唱歌擊銅斗○今朝野殯酌村酒○戰血寒○隨○溪○水○流○

英○靈○怒○逐○西○風○走○可○憐○駿○馬○向○人○嘶○可○憐○寶○劍○被○人○携○  
著○雨○紙○錢○燒○不○盡○路○傍○狼○藉○和○沙○泥○豈○惜○懷○慨○爲○君○死○  
所○惜○蒼○皇○損○壯○士○征○戰○從○來○少○萬○全○哀○歌○慘○咽○驚○鴉○起○  
懷○壁○歎

時有浙紳懷內府重寶獲咎者爲作是篇

前○年○航○海○泊○滬○濱○得○見○徑○尺○翡○翠○珉○又○聞○祥○符○之○朱○草○  
涵○生○瑪○瑙○中○鬚○髻○春○碧○秋○黃○無○定○色○夜○夜○光○發○胡○賈○家○  
上○有○璇○題○標○寶○墨○下○有○詞○臣○揚○天○葩○奇○珍○蓋○代○驟○難○  
買○惱○煞○權○豪○空○眼○花○傳○言○此○物○出○內○府○山○海○孕○吐○森○國○



華○未○識○何○時○落○人○手○無○乃○典○瑞○官○職○邪○匹○夫○不○合○懷○重○  
器○以○璧○賈○罪○實○禍○芽○况○昨○蘇○杭○告○淪○陷○多○少○珠○璧○沈○泥○  
沙○人○生○玩○物○喪○志○節○天○道○概○滿○懲○驕○奢○藥○石○愈○疾○惡○亦○  
美○鄭○環○結○怨○瑜○轉○瑕○千○秋○至○寶○究○何○物○詩○書○以○外○惟○桑○  
麻○洙○泗○刪○經○勘○典○寶○此○意○令○我○三○歎○嗟○

歎擄女

浙○山○深○處○畫○眉○多○一○朝○露○跡○遭○雲○羅○隱○忍○未○觸○樊○籠○死○  
襜○褕○竟○投○荆○棘○窠○荆○棘○彌○天○何○處○好○窈○窕○紅○顏○奔○露○草○  
鞭○驅○劍○逼○不○自○持○污○泥○宛○轉○明○珠○寶○自○古○被○折○多○名○花○

自古被擄多良家妖雲掩月嫦娥惱苦恨青天少護遮  
九月二日由潭石汪移營龍游城外之圭塘山  
已掃河西寇移營龍邑東艱難恢寸土轉戰對秋風雲  
日旌旗耀川原組練雄專車終見戮休倚會稽崇

龍游大營重九

那有黃花傍戰場才歌劍舞過重陽營連東海開朝日  
幙卷吳天下曉霜愁說鄉關拚酒醉喜無風雨逼詩忙  
登高誤認龍山會短髮應羞落帽狂

附錄季高中丞和作

萬山秋氣赴重陽。破屋頽垣闢戰場。沈叔難消三  
戶恨。高歌聊發少年狂。五更畫角聲催曉。一夜西  
風。髣髴欲霜笑語黃。花吾負爾。荒畦數朶爲誰忙。

楊石泉司馬和作

頻年馬上過重陽。幙府秋風老戰場。南顧尚煩  
明主慮。東征端賴楚人狂。他鄉紅樹愁今日。故國  
黃花阻十霜。卻喜生辰逢令節。題糕那惜爲書忙。

周壽山太守和作

衢州城外卽沙場。西去秋風比客忙。半載孤軍經

百戰一樽兩地各重陽。飛鴻蔽野天如曠。匹馬盤山夜有霜。仍擬登高尋勝會。不妨扶病作詩狂。

疊前韻紀述四章

元戎春啟定山陽。俯仰封圻瓦礫場。勁旅暫爲江皖障。雄心誓射海潮狂。艱難受命肩如鐵。慘澹籌邊髻有霜。不爲九重深倚賴。馳驅那蹴臥龍忙。京師謂中丞爲小諸葛十年浙事付頽陽。忍棄西湖作戰場。壁壘新從光弼換。樓船不放呂嘉狂。威收怯將青萍水。氣肅羣僚白簡霜。吏治軍容齊痛洗。破鋒吐哺讓公忙。浙事之壞由於收集潰將中丞痛爲

裁遣請付法者數人。文吏亦痛斥其深染惡習者。而吏治軍容爲之一新。

平生澹泊慕南陽。自種桑麻傍藿場。陸相新茶甘菲薄。鄴侯煨芋足清狂。冰心舊映湘江月。鐵面嚴生浙海霜。惟有餽賢兼養士。材官相望馬蹄忙。

中丞取與極嚴。嘗戲言他日我當謚

忠介然實不誣也

潘花小劫臨河陽。傷足偏逢卻曲場。已厄黃楊恨尚活。遭髡碧柳絮難狂。東南但使蘇霖雨。駘蹇何辭走雪霜。他日平吳修紀載。鈴轅橐筆敢嫌忙。

同年鄧彌之觀察在杭受傷渡海達營不願再仕

請假歸覲贈此

重○圍○悔○作○宦○出○死○卻○求○榮○浮○世○真○難○說○高○堂○君○有○情○兵○  
纏○吳○地○久○夢○繞○武○岡○清○袒○臂○要○余○視○金○創○痕○未○平○

龍游祭礮作

賊內踞金華外守龍游湯溪我兵屢捷賊遂負  
固不出無如何帥借西江木壳銅心巨礮囑余  
爲文祭之因成此詩

硫是純陽產○硝爲至陰精○陰陽互薄激○豫奮作雷鳴○能○  
使山岳撼○能奏寰宇平○厥德配金火○兌缺交離明○我軍○

入三衢○誓掃兩浙○清米賊○倚金華○外負龍湯城○義正屢  
戰捷○城堅驟難傾○西江製巨砲○遣遣材官迎○皇威百  
神助○護送沿途○輕鼓釁牛刀○割劍淬鵝膏○瑩矧茲霹靂  
手○紅衣賜專征○焚香告天地○虔祭來中營○蕩蕩烏雲歛  
晶晶白日晶○一發錢潮退○再發吳天晴○乾坤昭赫濯○草  
木助甲兵○東海蛟鼉走○西湖魑魅驚○凱音奏○天闕應  
受崇封榮○繫我已俗吏○文章慙鯨鏗○祝神震一怒○當輪  
螳敢橫○祝神止一怒○垂裳告武成○走馬卻以糞鑄鑠○早  
歸耕

贈楊石泉司馬

羅忠烈公受紫師至王壯武李忠愍李勇毅皆同學友也

昔年師友半名臣。帷幙君猶作上賓。已把姓名通帝座。卻因艱濟老征輪。霜天策馬吳山曉。夜雨論兵楚澤春。酒罷捋鬚長浩歎。東南何日靖烽塵。

營夜

明月瞭樓高。元戎夜飲豪。停杯看捷報。移燭卸征袍。白露寒生帳。涼雲重壓壕。前途猶賊壘。邏騎敢辭勞。忽聞吹短笛。帳下健兒歌。盛世從軍樂。涼秋旅思多。棲鴉驚堠火。征雁渡星河。爲有來朝戰。宵眠暫枕戈。



襲敵師潛起三更牧馬無急風天黯黯宿霧野模糊踴躍先鋒膽艱難報國軀擒酋猶未曉戰血滿衣襦士卒秋多疫殷勤帝詔詢長年傷露宿數語感皇仁世釀東南劫兵銷雨露春夜闌瞻北斗瑞靄繞勾陳

病媼行

龍蘭未陷兵與民鬪張玉良寃殺數萬將陷之時賊與民鬪既陷之後賊又與賊鬪收復之時賊與兵抗圍攻至數閱月戶口少三男人皆垂斃作病媼行

田○中○草○如○人○高○山○中○樹○無○鳥○巢○村○中○茆○屋○頻○火○燒○火○燒○  
不○盡○餘○枯○寮○中○有○病○媪○烹○藜○蒿○藜○蒿○秋○老○不○可○嚙○血○淚○  
吟○破○黃○塵○面○携○囊○乞○食○向○鄰○邨○鄰○邨○寂○寞○無○人○見○去○年○  
大○厦○連○青○雲○今○年○赤○壁○留○斜○暉○縱○橫○白○骨○纏○草○根○慘○澹○  
重○驚○病○媪○魂○

忽聞

吳○越○烽○烟○慘○未○收○西○風○一○馬○客○衢○州○忽○傳○襄○漢○橫○祲○  
回○首○江○湖○起○暮○愁○飄○泊○驚○鴻○應○北○渚○逍○遙○黃○鶴○尚○高○樓○  
武○昌○地○擅○東○南○勝○管○鑰○何○人○踞○上○頭○

營中夜雨

北風吹幙作邊聲。寒雨蕭條戍客驚。怪獸欲啼雙柝警。孤鴻初過一燈明。雲低越塞旌旂濕。水漲蘭江戰艦橫。惆悵流亡當此夜。有無衣褐度殘更。

送江曉城宰蘭溪

曉城名紹華時蘭溪尚為賊踞

名城猶賊踞。君去竟何之。兵火人家少。西風匹馬遲。不堪稱仕宦。應為撫瘡痍。寄語雙溪水。澄清及此時。去歲兵民鬪。郊原白骨多。內訌招盜賊。浩劫釀山河。舊事人難說。今君道在和。定知同井守。相助保煙蘿。

十一月十三日魏質齋太守以偏師襲克嚴州詩

以誌喜

錦峰繡嶺扼咽喉。勝踞吳山最上游。雪夜偏師斬關入。  
一聲鶴唳警杭州。

窮追直過富春驛。橫搗還登仙華山。在浦西步隊不須愁。  
道遠陣前奪得馬騎還。

定浙雄師轉戰精。今番第一復名城。紅旂報入剛長至。  
萬里黃雲擁玉京。

回憶桐江試吏才。洲前九里盡寒梅。乘舟欲借東風採。

劫後冰花幾樹開

送陳小齋大令歸覲

同住長沙地。思親爾暫歸。殘年多雨雪。愛日自庭闈。彭澤孤鴻遠。吳天匹馬飛。到時應及腊。碧釀夜爐圍。

送聶璧田還湘募勇

一鞭駿馬懸鮫鞘。歸去湘中募年少。楚俗於今善用兵。東南將相角威名。浙中屢戰已奏捷。妖氛猶自擁堅城。堅城未下英雄憤。欲卷風雲助前陣。白雪紛紛犯冷行。山郵正報梅花信。梅花送客過衢州。楚水吳山此壯遊。

倘遇宜僚當五百。千金莫惜贈吳鉤。

題虞凱仲司馬看劍引杯圖

凱仲名紹南。湘陰人。曾帶水師復岳州。戰九江。  
茲從戎浙幕。

君家南臨洞庭水。笑指洞庭作春酒。醉看君山萬丈青。  
那知夜半蛟蚪吼。蛟蚪蹙浪撼江湖。周處澹臺今有無。  
英雄不肯草茅老。手提寶劍雲中呼。初斬巴蛇齊展步。  
旋剗犀怪潯陽渡。歸來道過黃鶴樓。一杯聊爲仙人住。  
仙人指點海東頭。北赭南龕起烟霧。携壺仗劍過吳天。

蛟○鞘○直○挂○扶○桑○樹○斫○取○扶○桑○作○帚○長○汜○掃○風○塵○下○大○荒○  
不○知○此○願○能○償○否○醒○後○閒○看○秋○水○光○秋○水○千○金○價○難○買○  
人○生○酒○是○尋○常○債○繪○入○丹○青○更○有○神○仙○心○俠○骨○無○邊○畛○  
我○欲○借○君○之○劍○分○君○杯○提○携○走○上○崔○巍○之○高○臺○破○我○連○  
年○鬱○鬱○之○幽○懷○招○呼○海○上○明○月○清○風○來○

營中冬至

鼙○鼓○聲○停○奏○碧○蕭○焚○香○下○拜○紫○宸○遙○始○知○野○外○過○長○  
至○聊○使○軍○中○識○早○朝○北○極○黃○雲○春○欲○動○東○吳○白○雪○冷○潛○  
消○肥○冬○轉○憶○杭○州○俗○惆○悵○梅○花○隔○段○橋○

偶成

一鞭繞路出山叉。破屋寒烟尚幾家。摩壘歸來天欲暮。  
匆匆下馬折梅花。

營鼠

連○邨○遭○破○碎○羣○鼠○久○無○家○喜○得○官○軍○駐○居○然○徹○夜○譁○倚○  
牆○成○洞○穴○逐○幙○作○生○涯○明○日○移○營○去○應○興○去○汝○嗟○

營中度歲

牙○旂○紅○颭○萬○燈○明○似○慰○殘○年○苦○戰○情○酒○後○健○兒○仍○出○哨○  
令○傳○佳○節○倍○嚴○更○東○風○入○幙○春○先○到○北○斗○橫○竿○夜○正○晴○



組練自敦荆楚俗。手撚爆竹助歡聲。

年終內賞。御書來。東海紅雲驛路開。已許甌柑停例。  
貢。翻傳鼎饌養賢才。銀刀肅隊瞻恩典。玉燭排筵拱上台。我已十年成俗吏。代書謝表且徘徊。

### 癸亥年

#### 元旦

元戎營幙向東開。萬里東風入幙來。倚樹綵旂翻曉日。  
劈山轟砲啟驚雷。杯盤稍備吳中味。劍佩羣羅楚國材。  
共道紀年今癸亥。上元花甲運旋催。

知文百長寫春聯。倒插梅花布幙妍。各抱功勛談舊戰。  
更期捷報入新年。爐燒偽印。賊印皆木質。長六七寸。香溫酒座擁。  
降奴笑拭鞭。都護總戎相賀問。昨宵守歲得毋眠。

初春出營偶步

怕見郊原白骨殘。躊躇久不出營看。那知楊柳溪橋綠。  
已斷蓬蒿村舍寒。跨馬探春緣客悶。圍城隔歲識兵難。  
山河非故東風舊。吳越烽烟取次安。

定浙東

正月初三日星隕營前大如車輪拍拍如烏青

熒照數里逾時始滅軍士驚訝莫辨火祥逾七日  
蔣香泉方伯克湯溪中丞克龍游獲逆酋李  
尚揚等劉克菴廉訪克蘭溪各軍并進遂克金  
華洋兵効順紹興隨戡台州亦於先年經民團  
收復 詔蠲租稅者二年浙東以清有觀象緯  
者云自軍興以來弧矢與天狼不對今年矢稍  
正射天狼賊滅有日矣東南黎庶翹觀武成而  
浙東先定寧大局轉機也作定浙東一篇

癸亥正月哉生明龍游江畔妖星落似火非火撲地紅。

五更光射三軍幟。祥耶災耶始莫辨。無數健兒相瞋愕。  
那知旬日尙未周。龍湯戮定縛其酋。遂復婺州與越州。  
浙東瘴霧砒然收。明月張燈度元夕。東風千里花光碧。  
舴艋兵船渡海來。長龍下泊西興驛。錢塘儼似天塹雄。  
越國河山奠磐石。甬口洋利轉運通。倉儲紅粟賑災窮。  
魚鹽麋集算緡足。飛芻絡繹騰花驄。鬼方効順免胄立。  
甘受節制趨下風。義士天台先響應。蠲租兩載皇恩隆。  
秦望山崇會稽峻。青珉有幸銘豐功。元戎鄭重防後顧。  
皖南更調雄師去。擬淨黃山搗天目。不留旁竄深謀。

裕○川○環○岳○立○起○長○圍○片○甲○隻○輪○截○奔○路○冀○得○蘇○杭○一○鼓○  
收○金○甌○永○保○東○南○固○橐○筆○從○戎○望○武○成○欲○倚○蘭○亭○書○露○  
布○玉○節○蜺○旌○下○富○陽○維○藩○開○臬○各○勤○襄○凌○烟○不○許○武○夫○  
繪○儒○將○勛○名○光○太○常○竹○箭○鱗○魚○先○入○貢○仰○酬○聖○主○倚○  
元○良○憶○昨○有○人○知○保○章○爲○言○和○氣○感○彼○蒼○夜○來○指○余○望○  
南○極○果○然○弧○矢○對○天○狼○

二月重至諸暨時縣城初復

兩○三○故○老○出○破○屋○五○六○兒○童○繫○短○禪○不○記○自○家○離○亂○苦○  
轉○憐○我○面○舊○刀○痕○

藏糧石竈被搜窮。田麥新經飼馬空。指點春風留活計。  
門前數畝草花紅。其草葉碎而花紅本樞以糞田者今則以之救饑矣  
一自蘭江入浣溪。連宵寂寞不聞雞。迢迢官路行人少。  
細雨鴛鴦樹上啼。

相對桃花破昔愁。芒蘿山翠瘴烟收。浙東自此平安報。  
前日官軍定越州。紹興於正月廿六日克復

諸暨書感

依然浣水帶東城。轉畏桃花春色明。繞郭無家堪宿客。  
譙樓有鼓尚屯兵。殘黎相見還驚訝。此地能來已再生。

怪煞兒童都衣白。頻年喪亂黯傷情。

二月廿三日由諸暨至金華運賑

羣盜春初退。殘黎待賑殷。金華多委粟。浣水奉飛文。山  
路深愁雨。荒城冷覆雲。饑夫難負戴。囊橐重頻分。  
橋傾行涉水。驛燬宿尋邨。經亂無完地。防兵尚閉門。淒  
涼春抱恨。寂寞夜驚魂。爲問如瓜棗。年來幾樹存。

二月廿六日至金華呈劉笏堂太守

金華爲侍逆。李世賢所踞。內造僞府。懸張珠燈。  
立典珠燈官。中積粟十餘萬。侍逆旣歸。援南京。

守之者爲劉逆政宏金湯龍旣復劉逆被擒其  
餘粟均爲我得時我軍餉米告匱獲此士馬騰

飽浙中大局之轉全恃乎此

一○日○遽○失○金○華○城○可○憐○遺○憾○前○年○夏○一○日○竟○復○金○華○城○  
今○年○捷○奏○上○元○夜○官○軍○乘○勝○清○浙○東○大○帥○含○笑○當○春○風○  
奪○獲○委○粟○十○餘○萬○有○傲○散○濟○災○黎○窮○運○賑○我○來○僞○王○宮○  
瞥○見○畫○壁○紛○雲○龍○千○村○萬○落○盡○焦○土○宮○中○尚○挂○珠○燈○紅○  
脫○削○民○膏○恣○荒○宴○上○帝○豈○赦○貪○狼○雄○吉○陽○太○守○仁○孝○子○  
一○官○初○服○來○居○此○烟○花○已○散○入○詠○樓○明○月○重○照○雙○溪○水○



溪水東流出陸州。浙西郡縣未全收。內廷密詔圖杭  
省。接濟軍儲資上游。借問名城來保障。民生國計若  
何籌。

難民行

被擄遇難豈民甘心乘間脫逃求生於死官兵  
遇之愼毋寃殺以邀功庶祥和召而禍亂可平  
作難民行

蓬頭鵠面腰纏草。手扶竹杖荒山道。山路崎嶇荆棘橫。  
十步九卻無定程。連宵露宿破廟冷。連日涉河春漲生。

沿○途○何○處○有○食○乞○但○見○白○骨○無○人○聲○東○風○休○作○惡○欺○我○  
饑○軀○弱○春○雨○胡○太○多○泥○濇○愁○吾○腳○深○恨○當○初○避○亂○遲○林○  
深○箐○密○邏○騎○知○擄○入○城○中○遭○禁○錮○不○見○青○天○見○妖○霧○膽○  
碎○心○寒○始○脫○歸○急○遠○難○將○死○生○顧○家○有○老○母○未○知○存○否○  
幼○弟○煢○煢○尚○被○羈○守○茆○屋○已○焚○那○堪○回○首○明○知○回○首○更○  
無○家○且○得○歸○來○伴○鄰○叟○憑○君○休○問○難○民○行○眼○枯○無○淚○洗○  
面○垢○

阻饑行

賊所過所居不留完物雖經克復而室無粒米

野無寸草父母兄弟妻子相對饑餓無可逃荒  
地真奇荒也第饑易爲非古今恒轍自嘗兵苦  
甯死無他宇宙之元氣遭剝民心之信義常存  
作阻饑行

啜草草已盡望麥麥未黃阻饑不可耐悠悠春日長日  
長無所去徙倚門前樹青青榆樹皮我行剝作糜皮盡  
榆亦死人饑無已時慙媿雲中鶚饑能攫黃雀相彼梁  
上鷺饑能啄沈鱖弱肉飽強腹恃力非吾謀茹苦度荒  
亂自分填深溝昨日入東市路逢縉紳子探懷出寶珠

易米無人理。自道南阡北陌田。於今都沒蓬蒿裏。

### 摘麥歌

麥熟始食。自能耐饑。然剜肉醫瘡。迫何能待。作  
摘麥歌

年年嘗麥待麥熟。今年食麥麥初綠。小娘携筐摘麥頭。  
一摘再摘供朝粥。穀穀鳴鳩隴畔愁。逐逐饑鼠倉中啾。  
未到登場先入腹。辜負南風四月秋。他家有麥田中盡。  
我家無麥空淚流。

### 飼蠶愁

有桑無蠶有蠶無具有具無食男既廢耕女亦  
廢織作飼蠶愁

戎豆花開蠶事緊鳴鳩戴勝聲相引共道新絲足救貧  
那知蠶具遭兵盡坐見桑芽日日青小姑無事空愁窘  
銀簪被人拔連歲不梳頭銜蟬何處聘饑鼠聲啾啾欲  
唱迎神曲棗糕難遽謀四月不成繭五月不成綢况復  
厨娘告炊斷蠶不愁饑人自愁

荒村歎

勝地多殘深山轉保興廢剝復觸目在茲作荒

木剗

種○莫○種○城○邊○樹○頻○年○戰○伐○人○先○鋸○居○莫○居○官○路○村○一○朝○  
兵○燹○瓦○無○存○危○牆○葉○葉○似○帆○立○夜○雨○滴○漉○生○苔○痕○村○前○  
古○廟○更○何○有○但○見○石○獸○落○日○蹲○紫○燕○飛○來○尋○舊○宇○淒○涼○  
春○色○更○誰○主○白○竹○黃○茆○忽○數○椽○知○是○殘○黎○鬻○清○酤○昔○日○  
朱○陳○居○昨○寓○馬○流○戶○崔○巍○華○屋○成○荒○村○俯○仰○寒○烟○悵○今○  
古○

聞布穀

布○穀○真○無○賴○春○歸○不○住○鳴○可○憐○爭○戰○後○白○骨○幾○人○耕○

錢江歌

華人借用洋兵洋兵仍雇華人習洋法制服洋  
衣冠由甯而紹而杭我民既日親外國彼族亦  
日入內地矣作錢江歌

錢江東岸蓬萊驛○防江尙駐重洋客○錢江西岸是杭州○  
二月官軍薄上游○請將羽扇畫江流○自陳戰艦壓潮頭○  
何人結束花綠綢○華言夷服相對愁○胡不驅歸海隅休○  
四月廿五日姚文波典孝廉錢伯鍊鐸秀才錢行  
於姚江埠作詩紀事

我來諸暨撫瘡痍。西嶺桃花紅正吐。那知桃實又登盤。  
斷送春三成夏五。客與東風共去留。浣溪梅雨送行舟。  
順流舟疾挽難住。奈君鵠立江之頭。分付篙師爲君泊。  
立語斯須究何益。明知無益難忽然。綠樹陰中敲離席。  
席上新桃瑪瑙紅。感君厚誼置懷中。明朝相望蓬萊驛。  
莽莽稽山雲數重。

山諸暨至義橋舟中

江樹圍深綠。荒村漸有烟。寂寥過首夏。離亂已三年。  
驛斷雲橫壘。隄傾水入田。麻溪梅雨漲。迎我下灘船。



舟中有懷

溪外白雲凝樹低。青山浮出白雲外。扁舟曉起披清風。縹緲神與雲山會。我有故人居越中。兩年離亂不相逢。知在青山白雲裏。蒼茫無地訪行蹤。

遇老僕

不堪老僕賊中還。赤腳蓬頭滿面瘢。總道主人能養。那知宦味日辛艱。軍儲火急停官俸。冠蓋雲流易舊班。行矣別謀生計好。我將湘上買青山。

蕭條

賊○過○如○蝗○過○蕭○條○吳○越○空○蓬○蒿○春○雨○碧○瓦○礫○夕○陽○紅○驛○  
路○朝○驚○虎○村○墟○夜○撼○熊○更○爲○生○聚○計○奚○止○十○年○功○

到越州作

春○風○捷○奏○浙○東○收○四○月○鳴○櫓○到○越○州○不○信○洋○兵○皆○繡○襖○  
卻○看○僞○館○尚○雕○樓○孤○城○抗○節○悲○前○守○航○海○來○歸○遇○舊○游○  
畢○竟○相○逢○有○今○日○莫○將○滄○海○說○橫○流○

書感

無○權○空○憾○失○名○城○不○死○重○看○浙○水○清○那○有○微○勞○酬○聖○  
澤○偶○因○餘○愛○保○殘○生○雲○開○越○郡○山○樓○見○潮○落○錢○江○海○日○

明竹箭會稽仍入貢。賴誰玉戚賜專征。

登采戴山遠望

草荒石塞破亭留。亂後登臨不當遊。雨過青山仍牧馬。  
春歸綠野苦無牛。越王事業江湖捲。晉代文章曲水流。  
怕向西興屢回首。愁雲慘澹尚杭州。

由義橋舟中望玉皇山書感

世事頻年變。名山終古蒼。玉皇如舊識。正位尚離方。綠  
霧西湖歛。紅雲東海長。峻天作杭鎮。勞我隔江望。

瀏陽黎桂舫深於易學。宰甯海因失守出塞詩以

慰之

劇寇孤城陷。淒涼萬里行。出關休抱恨。寰海漸澄清。風  
定花偏落。雲開雁自征。爰占朱紱困。註易恨生平。

打馬熊歌

狂風吹折會稽竹。六陵木拔冬青綠。山陰道上行人屨。  
喧傳馬熊食人肉。昔年浙東夷火燒。越州訛言三足貓。  
今年洋兵且効順。盛世豈容豺虎驕。騶虞在囿麟在藪。  
服不禮訂元公朝。窮奇儔杙放四裔。而此胡勞強弓操。  
洋兵賈勇出城去。前禽願効三驅助。飽醉村醪夜始歸。

借問馬熊不知處

讀目集

洋兵行

借兵於洋亘古勦局貪利策功以枝扶幹瀝瀆  
開先浙踵其轍濱海習慣咄咄稱奇然羈縻有  
權亦足奏效越州既復法國兵頭德克碑感宮  
保威德願隨攻富陽自褫夷服服我冠履宮保  
命寫條約聽我節制始許之乃親赴嚴州拜受  
約可知非族心異終貴自強作洋兵行  
噫歎歎西洋乃中華之敵仇搖動五口波橫流一經招

撫郤助順協守滬瀆春復秋人言滬瀆紛洋樓金碧珠  
寶高山邱英法詭倂畏賊劫拚死助我實自謀吳地連  
年變滄海獨此一角如綴旒吳劫尚未弭越國烽烟紫  
孤懸一舟山遠隔重洋裏甬江北岸數夷酋逼近封狼  
圖奮起英夷束綠巾我舸駕飛輪法夷畏五色兩袖金  
縷新夷官袖盤金縷視紅褐齊腰當黼黻禿馬辟易無  
傍人千鎗萬礮同聲發精妙火器殊少倫隨我華兵掃  
甯郡四明梅雨洗飛塵舜江慈虞以次復西風吹渡曹  
娥津紹興之復彼何力金華戡定賊自奔要功倚勢索

犒○銀○蕭○瑟○城○市○如○荒○村○縱○得○駒○戎○犄○角○助○轉○乞○花○門○勞○  
面○恩○老○成○謀○國○操○勝○算○德○感○威○收○互○羈○絆○昨○赴○嚴○州○謁○  
大○營○侏○僑○頓○把○冠○裳○換○銀○青○箋○紙○寫○佉○盧○條○約○重○申○駭○  
流○汗○純○續○金○犀○付○舌○人○免○冠○下○拜○期○門○畔○自○睹○王○商○識○  
漢○儀○似○悔○從○前○太○驕○悍○願○効○前○驅○舞○巴○渝○於○千○萬○年○作○  
外○扞○兩○浙○官○民○盡○歎○嗟○頻○年○海○國○藐○中○華○今○日○拔○刀○都○  
慕○義○赤○心○幾○欲○表○丹○砂○無○乃○忠○勤○感○荒○遐○偵○羅○郡○縣○予○  
爪○牙○請○君○先○擬○平○吳○頌○再○圖○王○會○獻○天○家○

題湘潭李伯初

光瑩

司馬讀書秋樹圖

與君同住離騷國。寒蓉攬桂秋興長。墳典邱索楚人讀。  
仰看南極輝文昌。君今所讀是何冊。無乃韜鈴開珠囊。  
西風昨入嚴陵樹。山水清音和詩句。虎帳宏開霜氣清。  
營壇也當書城住。萬里秋光入卷來。埋頭矮屋終何趣。  
我欲金石收殘編。東南文物今重鮮。買山他日貯圖籍。  
繞屋扶疏懷古賢。

仲秋卽事

時富陽於八月  
初八日克復

庭前古桂不開花。冷澹秋光悵日斜。忽報名城收富渚。  
擬將吉語寄長沙。中興有佐欣扶運。王事羈身敢憶家。



一片涼雲新雁語。頻年人在海天涯。

聞十月二十五日李少泉中丞收復蘇州

金陵去歲合重圍。馬踏西湖秋又肥。吳越定全還版籍。  
蘇台況復振軍威。更新壁壘勞籌畫。依舊洋兵異指揮。  
三載故宮麋鹿跡。百花洲料有人歸。

題張韻梅

元銑

秀才越游草

韻梅以詩來謁內有效同谷七歌第四章云哀  
師哀師我家駒髫年頗與羣兒殊一朝割棄爲  
賊驅箭衣屨回首紅羅襦暫離不忍況永訣阿母

禱祝形神愚嗚呼四歌兮歌太苦望汝歸來立  
門戶情詞淒惋得杜之骨愛不釋手因題其集  
杭州歸未得飄泊越州居思子常垂淚依人且讀書一  
江愁夢隔破屋世情疏何日平吳頌清詞放玉琚

哭張存吾同年

原名相松  
改名塋

連歲浙東疫君胡觸疫來秋風孤館病異地幾人哀迢  
遞懷湘土淒涼莫越醅同年此間少誓爲送君回

送江夏孫子霞

蔚赴舟山僑寓

干戈吳楚阻征鞭家寄東南海外天久客未歸黃鵠渚

殘年猶上白艫船。蓬山凍雨迷孤驛。甬口寒潮接晚烟。  
惆悵白雲定回首。東風應有捷書傳。

贈唐雪舫

廷綸

廣文

雪舫杭州進士。自請改紹郡教授。厭杭俗繁華。  
買田居紹遠。經離亂。杭閩多流離。失所唐獨安。  
全識亦超矣。

少年嬉游西湖濱。中年買田鏡湖側。晚年遭亂荷安居。  
爲避繁華計終得。杭州自昔羅綺嬌。歌樓舞榭亘雲霄。  
清時官闕久高少。昨經兵燹彌蕭條。惟有越州稍古樸。

一江之隔分滄海。自古桃李難連朝。自古蒼松常後凋。擇里處仁同遷喬。君不見唐君宦冷性亦澹。居家足爲浮薄標。

贈諸暨吳沆芝叟

深山讀書七十年。白雲流水身瀟然。那知臨老遭離亂。雨雪天寒餓市廛。孤松受壓枝逾翠。輾軻未足爲心累。放眼乾坤脫羈紲。落落賢豪眞幾輩。贊我舊政品我詩。願爲校字令我佩。嗟哉時士多疏狂。雕蟲誤認爲文章。旣以燕石淆璋璧。轉將鵲鳴笑鳳皇。如君蘊藉世誰有。

蒼顏白髮流謙光。抱負久與時俗異。儀容卻將圭角藏。  
器愈宏。深心愈下。千秋古鼎埋風霜。請把出處較得失。  
巍科眉壽誰短長。

斯敏齋秀才急欲謀仕詩以阻之

讀書固自好。急仕究何心。況有庠田在。

諸暨人家各備庠田入泮收租

爲子

而居太白深。

太白山在暨東南亘數十里

雲烟猶上古。烽火隔

於今。育德須時會。非云悶玉音。

受海昌降詠

十二月二十一日海甯道酋蔡元隆以城獻蔣

香泉方伯由蕭山渡江往撫其衆桐鄉酋何培  
章石門酋鄧光明相率乞降我兵合蘇兵以攻

嘉興杭賊大窘

浙○兵○攻○杭○猛○且○精○蘇○兵○攻○禾○縱○復○橫○海○昌○逆○酋○畏○威○懼○  
兵○未○臨○彼○先○獻○城○方○伯○受○降○截○江○渡○朔○雪○正○壓○龕○山○樹○  
呼○酋○夜○與○同○幙○眠○示○以○赤○心○感○而○懼○遂○收○桐○鄉○搗○石○門○  
杭○嘉○各○自○成○孤○注○雄○師○靜○駐○秋○濤○宮○朔○風○搖○曳○旌○旂○紅○  
居○民○安○臥○脅○從○散○恩○波○洋○溢○東○海○東○今○年○蘇○賊○以○降○得○  
卻○殺○降○酋○除○反○側○老○成○心○定○有○權○衡○究○讓○此○舉○兼○威○德○

重門洞開告爾知能拔來歸安樂國

客將詠

浙事之壞始壞於借將而不自求良將繼壞於  
收集潰兵敗將而仍不別求良將不知客將多  
豪難以節制往返道途無益軍務追維往事作  
客將詠

寶馬何處來云是江南營紅旂表姓氏筆畫勢縱橫右  
傍書官銜勇爵繙繹清昂昂入節署小隊衣鮮明高坐  
叙舊戰戰戰有威聲朝廷紀我績草木知我名今赴催

援來奔馳作客兵。長途已數月。小憩候新晴。明朝接偵報。烽火過宣城。蕪湖又告急。飛機回南京。叙功列優等。重謝此邦情。主人賀賊去。客將尾賊行。長年走道路。未暇與賊迎。

### 孤臣怨

王壯愍撫浙時襄理無人將。又不用命浦江圍。時鎮將文瑞不出城紮營。壯愍曰。杭州去年之陷。因不紮營。故今復如此。豈真氣數使然耶。使之出紮。終不從。浦江陷。各將節節退縮。壯愍遺



提督饒廷選書云既無米復無餉新製軍裝又被拋棄度日如年度夜比年更長方冀諸將之可激而時事之可挽也乃卒以不戰不前坐視賊逼省城以致淪陷可悲也夫今年杭城將復轉憶前艱作孤臣怨

浮雲已四塞孤月那能明羣小甘敗壞孤臣那能擎可憐時事急環顧淚縱橫驕將坐索餉不決一戰爭傲吏病臥閣親倚椒房榮夜長愁不寐帳下有老兵手奉羽書進又報連陷城已陷長已矣未陷誰支撐憤極繞室

走○鼓○角○催○殘○更○

田父歎

兵荒廢耕闢室饑餓因饑無力兵過愈荒餒在  
其中聖言真不誣也作田父歎

春風歸原野○不聞田父歌○糴米人日少○糴糠人日多○傾  
家無錢市黃犢○那用翦耕縫青蓑○幾欲竄名入兵籍○可  
憐瘦骨難荷戈○蒼天仁愛降雨露○長年坐廢終無禾○因  
荒受饑猶可忍○因饑更荒奈若何○

迂儒歎

儒字從需與儒相仿時方尚武何事讀書青袍  
誤人悔何及矣作迂儒歎

時清文士豪世亂迂儒苦芸窗筋骨養成驕章甫衣冠  
流入腐已經佔畢誤平生猶抱皇墳侈前古滿腹詩書  
不療饑閉門懸釜愁風雨駿馬辟易爾何人道是五陵  
游俠伍

宰官愁

浙西兵後居民鮮少多者百餘又或數十宰官  
蒞此兀坐無策作宰官愁

初時作宰愁長吏。精神消鑠趨承地。中年作宰愁軍需。  
士馬絡繹馳交衢。而今作宰愁凋敝。瘡痍屢墮流亡淚。  
瓦礫城中平鎮日。無人行菁蕪。原上綠。長年無人耕。淒  
涼墨綬少顏色。僦居破廟風雨橫。日午僮僕喚初起。向  
我索錢營朝烹。遠道故人相問訊。赫蹄枉賀懷新印。那  
知今日浙江西。千村萬落成灰燼。襖被孤眠對佛愁。官  
似貧僧更誰信。

素衣傷

兵荒未已荐加饑疫吳地少年衣多服素纈纈

團團是生傷感作素衣傷

曉來太白明東方。蕭瑟乾坤界青霜。三吳兒女走道傍。  
涼風飄搖素衣裳。見之不忍問。知是連兵荒。蒼天爾何  
意。殺戮爲主張。前日喪亂亦已矣。今日饑疫能無傷。安  
得宇宙登壽康。齊服綵衣上高堂。